



Universitätsbibliothek Paderborn

Conferentiæ Theologico Morales

Compendiosè propositæ ac breviter resolutæ Ad Usum Directorum
Conferentiarum Hebdomadalium ... DD. Parochorum, Curatorum,
Confessariorūmque omnium

Ex Materia De Actibus Humanis Excerptarum

Sargar, Elisaeus

Augustæ Vindelicorum, 1720

Conferentia LXXXVI. An in materia venerea indirectè tantùm voluntaria
saltem, detur parvitas materiæ ?

urn:nbn:de:hbz:466:1-41214

tactus partium verecundarum dum delectationem venereum per se directe non intendunt, excusant à peccato mortali; quia tales naturā suā nimium ad libidinem provocant; & certe graviora sunt peccata, si fiant circa personas ejusdem sexūs, quam diversi, quia tunc ad gravius peccatum disponunt, ut notat Sanch. l. 9. de matrim. disp. 46. n. 18. sive ex intentione agentis, captantis scilicet directe delectationem venereum, circa quascunque partes fiant, etiam alias honestas. Cujusmodi sunt tactus faciei, compressio manuum, pulsatio pedum &c. Atque tunc tanta sunt peccata quantum est intentio facientis; utpote simplicis delectationis morosæ fornicationis, adulterii, fodiæ &c.

CONFERENTIA LXXXVI.

An in materia venerea indirecte tantum voluntaria saltem, detur parvitas materiæ?

RESOLUTIO I. admittenda est parvitas materiæ excusans à mortali in impudicitia quoad delectationem solum indirecte voluntariam, in causa scilicet levi posita, vel non ablata, secluso consensu & periculo consensus in ipsam delectationem, pollutionem, vel alium opus turpe. Ita uteque Marchant. apud Patrit. hic. n. 10.

Ratio est: quia valde rationabile & consonum est fragilitati humanæ, quod homo sub peccato mortali, non teneatur evitare omnem actionem levem, ex qua est periculum exurgendi aliquos motus delectationis venereæ: & cum hi motus

M 5

longè

longe facillimè exurgant, ut sint mortales, omnino requiri debet majus voluntarium, quam indirectum in causa maximè levi & de se veniali tantum. Alioquin certè oporteret condemnare peccati mortalis omnem conversationem non necessariam virorum cum fæminis, juvenum cum pueris, colloquia familiaria, choreas, aliasque recreations etiam honestas; cum in iis facillimè incurvant aspectus blandi, verba lenia, tactus, oscula, amplexus & alia hujusmodi venialia, ex quibus plerumque oriuntur motus aliqui venerei, quos tamen secluso consensu una cum veniali causâ sua merito censemus veniales. Itaque omni culpa vacabunt aspectus, tactus, oscula, amplexus, aut honestatis causa pro more patriæ: aut necessitatis ad medendum, naturam sublevandam &c. Veniale verò solum culpam continent aspectus, tactus, oscula, amplexus levitatis vel curiositatis gratia obiter facti absque ulteriori voluptaria tendentia in delectationem veneream, et si praeter intentionem subsequatur. Sanè difficillimum esset confessariis statim peccati mortalis condemnare juvenes & procos passim aliquibus tactibus, osculis & amplexibus utentes erga puellas honeste amatas, et si inde levem aliquam voluptulam sensibilem captent, dummodo absit periculum consensus in venerea. Hinc ergo sequitur

I57. RESOLUTIO II. Casuum communiter contingentium I. oscula inter omnino solutos obiter facta, venialia sunt et si sensibilis aliqua voluptas sequatur, seclusa delectatione & consensu

turpi. At verò facta cum ardore & morā ; ut pote replicatis diu in ore osculis, ob morale periculum libidinis, ordinariè mortalem culpam contrahunt. Ita communis.

II. Osculari pueros ex amore teneræ infantilis etatis, vel tangendo captare delectationem sensibilem ex mollitie teneræ carnis, secluso consensu turpi, nullum mortale, veniale tantum peccatum est. Sanch. & Jacob, Marchant.

III. Ancillæ puellos vestientes, lavantes, eorumque pudenda tangentes vel aspicientes, et si motus sensualis exurgat secluso consensu vel complacentia turpi, aut non peccant, si ita officium exigat: aut solum venialiter, si ex curiositate faciant: mortaliter tamen peccarent, si id morose facerent ob morale periculum consensus libidinosi.

IV. Aspicere animalia coeuntia ex curiositate tantum, seclusâ delectatione libidinosâ voluntaria, veniale est; quia id non multum excitare solletad libidinem. Insuper eadem animalia, præfertim minora, puta, catellos, catos, molliter tractare, demulcere, etiam eorum genitalia contrectare (res tamen pudicitiae & castitatis amatoribus merito fugienda) ex curiositate tantum vel levitate absque impurâ delectatione, cùm inde non excitetur tam vehemens delectatio, non nisi veniale esse docent Sanch. l. 9. de Matrim Disp. 46. n. 15. Dian. p. 2. tr. 17. resol. 37. addens adhuc quidpiam fædus non esse mortale, cùm non sit mortale impedire generationem bruti, sicut & ipsum occidere. Sed certè omnium sensu fædum est cogitare,

ne-

nendum facere. *Vide Tambur. l. 7. Decal. c. 8. §. 2. n. 5.* At verò affectu libidinoso tangere eorum membra, non tantum mortale, sed etiam spectat ad peccatum bestialitatis, tanquam actus quidam inchoatus.

V. Personæ ejusdem sexûs simul balneantes, ex curiositate vel levitate invicem aspicientes in partibus verecundis, etiam cum motu sensibilitatis (secluso consensu turpi) non sunt condemnanda peccati mortalitatis: seculis est de personis diversi lexus; quia tunc est morale periculum libidinis. Seipsum autem aspicere, vel etiam tangere ex curiositate, leclusâ malâ intentione, complacentiâ, & periculo consensu turpis, ordinariè veniale est: quia minor est indecentia, & minus movent propria quam aliena, si verò necessitas aliqua vel natura comoditas ita exigat, omni culpa vacabit, secundum omnes.

VI. Chorea ducere, etsi aspectibꝫ, tactibus, osculis, amplexibus solitis aliqua delectatio sensibilis capitetur seclusâ semper intentione vel consensu turpi, vel nullum vel veniale tantum peccatum est. *Cajetan. V. Chorea. Filiucus Tract. 23. c. 10. ubi n. 224.* dicit: Rustici diebus festis non sunt prohibendi à choreis, modò fiant post missam: tum quia aliter otio vacarent, quod pejus esset; tum quia sunt pro more Regionis, & publicè coram aliis, ideoque magna ex parte aufertur libidinis occasio; tum quia videntur conciliatrices + moris & benevolentiae inter adolescentes & pueras in ordine ad matrimonia. Hæc ille. Addit. *Patrit. hic n. 29.* Experientiâ patuisse, post abfogit.

rogatas illas choreas publicas, multo majora ma-
la patrata fuisse, quam iis permisiss.

VII. Cantare, dicere, legere turpia, peccatum
est juxta intentionem facientis: si enim fiant cum
intentione vel complacentia turpi, mortalem: si
ex curiositate vel levitate, solum veniale cul-
pam habent. At vero componentes cantiones
vel libros turpes ordinariè mortaliter peccant,
ob scandalum saltem aliquorum: quemadmo-
dum etiam turpes comedias exhibentes.

VIII. Denique scribere, mittere litteras amato-
rias, munera, favores similiter peccatum est juxta
intentionem facientis: si enim faciant ex intentio-
ne libidinosâ, vel animo provocandi alterum ad
illicitam venerem mortale erit: si ex merâ levita-
te, joco, recreatione, veniale per se loquendo: si
ad captandum vel fovendum honestum amorem
in ordine ad matrimonium, culpâ vacabit. In-
tellige semper, secluso periculo proprio vel alieno,
aut nisi scriptio vel pictura de se valde turpis esset,
& ad libidinem provocatoria. Hæc paulò latius,
quia in praxi frequentissima.

CONFERTIA LXXXVII.

An in primo præcepto Decalogi detur
parvitas materie?

158. *Patri Patritio nostro hic n. 21. est certa regula, in*
omnibus peccatis, quibus laeditur bonum infinitū
divisibile, posse dari parvitatem materie excusantem à
mortalī. Quia quando bonū, quod laeditur, est divisi-
bile